



Xalq so'zi

O'zbekiston —
kelajagi
buyuk
davlat

2023-YIL — INSONGA E'TIBOR VA SIFATLI TA'LIM YILI

1991-yil 1-yanvardan chiqib boshlagan • WWW.XS.UZ • E-mail: Info@xs.uz • 2023-yil 19-noyabr, № 246 (8589)

Yakshanba Saytimizga o'tish uchun QR-kodni telefoningiz orqali skaner qiling.



YANGI SPORT VA TRANSPORT INFRATUZILMASI OBYEKTлари AZIM POYTAXTGA KO'RK BAG'ISHLAYDI

Prezident Shavkat Mirziyoyev 18-noyabr kuni Toshkent shahrining Mirzo Ulug'bek va Yashnobod tumanlariga tashrif buyurib, sport va transport infratuzilmasi obyektlarining qurilishini ko'zdan kechirdi, mahallalardagi bunyodkorlik ishlari bilan tanishdi.



Davlatimiz rahbari dastlab Olimpiya shaharchasidagi qurilish jarayonlarini ko'zdan kechirdi.

Ma'lumki, 2025-yilda Yoshlar o'rtasidagi Osiyo va Paraosiy o'yinlari yurtimizda o'tkaziladi. Shu bois Olimpiya shaharchasida mazkur musobaqalar dasturiga kiritilgan barcha sport turlari uchun sharoit bo'ladi. Uning maydoni 100 gektar. Asosiy inshootlar — 10 ming o'rinli stadion va 2 ming tomoshabing mo'ljallangan velodrom, suv sporti saroyi, yakkakurashlar va jamoaviy o'yinlar majmuasidir.

Shuningdek, 4 qavatli ma'muriy bino, 15 ta ochiq sport maydoni, yugurish yo'laklari, bog'lar barpo etiladi. Umumiy, shaharchaning 54

foiz maydoni yashil hudud bo'ladi. Buning uchun 37 gektarda sun'iy ko'llar tashkil qilinadi.

Loyiha 70 ta mamlakatda sport inshootlari qurgan Xitoyning "CAMC Engineering" kompaniyasi bilan birgalikda amalga oshirilmoqda. Bundan bir yil oldin, 9-noyabr kuni davlatimiz rahbari mazkur shaharcha qurilishiga tamol toshi qo'ygan edi. Bugungi kunda asosiy binolarning poydevor ishlari to'liq bajarilgan. 5 ta majmuaning konstruksiyalari tiklanib, qad ko'tarib qolgan. Qurilishga mingga yaqin ishchi va muhandislar, maxsus texnikalar jalb qilingan.

Davlatimiz rahbari shaharchani ekspluatatsiya qilish bo'yicha xorijiy tajribani joriy etish, xavfsizlik

choralarini ko'rish va qulayliklarni oshirish yuzasidan ko'rsatmalar berdi.

— Osiyo o'yinlari o'tgandan keyin majmualar bo'shab qolishi kerak emas, xalqimizga xizmat qilishi kerak. Bu yerda mashg'ulotlar bilan birga sport ta'limi, ilmi, tibbiyoti mujassam bo'lishi zarur. Ya'ni bu joy mamlakatimiz sportining ilmiy, amaliy, o'quv-mashg'ulot markazi bo'ladi, — dedi Shavkat Mirziyoyev.

Keyinchalik bu yerda Yoshlar siyosati va sport vazirligi, sport federatsiyalari, O'zbekiston davlat sport akademiyasi va boshqalar faoliyat ko'rsata boshlaydi. Maydonchalarda yurtidoshlarimiz ham sport bilan shug'ullanishi mumkin bo'ladi.

— Kelajakda bu shaharcha bilan

bolalar sport maktablarini ham bog'lash kerak. Ommaviy sportdan professional sportga o'tish ko'prigi bu, — dedi Prezident.

Shaharchada Paraosiy o'yinlari ham o'tkazilgani bois jismoniy imkoniyat cheklangan insonlar uchun qulay yo'llar va alohida sektorlar tashkil etiladi. Prezidentimiz tavsiyasiga muvofiq, majmuada qayta tiklanuvchi energiyadan ham foydalaniladi. Yillik quvvati 10 megavatt 56 ming kvadrat metr quyosh panellari o'rnatiladi. Shu yerda Toshkent shahri bo'yicha o'tgan yili taqdimot qilingan investitsiya dasturiga muvofiq, bu yil ishga tushirilgan loyihalar haqida axborot berildi. Qayd etilganidek, joriy

ayolning o'tgan davrida ishlab chiqarish va xizmat ko'rsatish sohasida 360 ta loyiha bajarilib, jami 20 mingta ish o'rni yaratilgan. Shuningdek, kelgusida Yangi hayot tumanida 650 gektar maydonda yangi avlod sanoat zonasini tashkil etish rejalashtirilgan.

Davlatimiz rahbari Toshkent shahrida Yangi O'zbekiston ko'chasi va "4R12" magistral yo'li kesishuviga quriladigan yo'l o'tkazgich loyihasi bilan tanishdi.

So'nggi yillarda bu ikki yo'lida qatnov ortdi. Bo'stonliq va Parkent tumanlariga borayotgan sayohatlar soni ham avvalgi yillardagiga qaraganda bir necha barobar ko'paydi, hali yana oshadi. Shuningdek, bu kesishma kelajakda Yangi Toshkent shahriga olib boradigan asosiy yo'l bo'ladi.

Shularni inobatga olib, bu kesishmada transport bog'lamasini qurish mo'ljallangan. Loyihaga ko'ra, bu yerda 1 ta ko'priq, 3 ta tunnel, 4 tadan aylanma va qo'shimcha yo'llar barpo etiladi. Bularning evaziga chorraha birona ham svetoforsiz — "yashil chorraha" bo'ladi. Bu qulaylik natijasida haydovchi va yo'llovchilarning vaqti hozirgiga nisbatan 20 — 30 daqiqaga tejaladi, harakat xavfsizligi oshadi.

Prezidentimiz "Do'stlik — Qo'lyiq" yer usti metrosi tagida qurilayotgan savdo va xizmat ko'rsatish shoxobchalarini ham ko'zdan kechirdi. Loyiha doirasida bu yerda 36 ta savdo va xizmat ko'rsatish shoxobchasi, sport va bolalar maydonchalari, avtoturargohlar barpo etiladi.

Mutasaddirlarga bu yerda xavfsizlik choralarini va nazoratini ta'minlash, Toshkent shahrida xizmatlar sohasini rivojlantirish bo'yicha ko'rsatmalar berildi.

Prezident Shavkat Mirziyoyev poytaxtimizning Mirzo Ulug'bek tumanidagi Habib Abdullayev mahallasida ham bo'ldi.

Bu mahallada 4 ming 400 nafardan ziyod aholi yashaydi. Hududda ellikka yaqin savdo do'konlari va xizmat ko'rsatish shoxobchalari, ta'lim

tashkilotlari faoliyat yuritmoqda. 38 ta ko'p qavatli uy va to'rtta ijtimoiy obyektgacha "Madaniyatli hudud" boshqaruv servisi kompaniyasi xizmat ko'rsatadi.

Aholining mazmunli hordiq chiqarishi uchun barcha sharoit yaratilgan. Joriy yilda otalar choyxonasi, amfiteatr, "Wi-Fi" hududi barpo etildi, ichki yo'llar va bolalar maydonchalari ta'mirlandi.

Mas'ullarning e'tibori, aholining hamjihatligi sabab hududning manzarasi tubdan o'zgardi. "Yashil makon" umummilliy loyihasi doirasida shu kuzda 2 ming tupdan ortiq manzarali va mevali ko'chatlar ekildi. Ikkitadan artezian quduq qazilib, yashil maydonlarni sug'orish tizimi yaratildi.

Davlatimiz rahbari shu yerda tuman faollari, nuroniyalar bilan suhbatlashdi. Ular o'z mahallalari obod bo'lgani, energiya tarmoqlari ta'mirlanib, qishga puxta tayyorgarlik ko'rilganini aytishdi.

Prezident energiyani tejash, xonadonlardagi issiqlikni asrash, har bir insonda bunga daxldorlikni shakllantirish zarurligini ta'kidladi.

— Dunyodagi iqlim o'zgarishlari bizdan uzoqda, deb bo'lmaydi. O'tgan yilgi sovuq buni ko'rsatdi. Endi iqlim o'zgarishini inobatga olib, dunyoqarashimizni ham o'zgartirishimiz kerak. Har bir fuqaro

"bu mening uyim, mening mahallam, mening tumanim, mening Vatanim" deb yashasa, natija biz kutgandek bo'ladi, — dedi Shavkat Mirziyoyev.

Bu mahallada ham qish o'ldidan o'ta transformator ta'mirlandi, elektr simlari almashtirildi. Ko'p qavatli uylarning kirish yo'laklari kapital ta'mirlandi, yangi eshiklar o'rnatildi. Uylarning yerto'lasidagi issiqlik quvurlari yangilandi.

Davlatimiz rahbariga Chilonzor tumaniga tashrif chog'ida berilgan topshiriqlarga muvofiq qishga ko'rilgan tayyorgarlik haqida axborot berildi.

O'ZA.

O'zbekiston Respublikasi Prezidenti Matbuot xizmati surati.

Nuqtai nazar

TENG HUQUQLI SHERIKLIK VA MULOQOT MAYDONI

Bugungi kunda dunyoda global keskinliklar va ziddiyatlar sharoitida chuqur transformatsiya jarayonlari yuz bermoqda. Ahamiyatli, o'zgarishlar sayyoramizning deyarli barcha nuqtasida sodir bo'lmoqda. Shu o'rinda Osiyo, ayniqsa, turkiy xalqlar ovozi tobora kuchli yangramoqda, desak, mubolag'a emas. Turkiy davlatlar tashkiloti paydo bo'lishi ham ushbu jarayonning mantiqiy davomidir. Ya'ni an'anaviy tarzda xalqaro kuch sifatida e'tirof etiladigan AQSH, Rossiya va Yevropaning qator mamlakatlari safiga Osiyoning Yaponiya, Janubiy Koreya kabi taraqqiy etgan hamda rivojlanib kelayotgan Xitoy, Hindiston, Pokiston, Eron singari davlatlari, shuningdek, Yevrosiyodagi Turkiya ham yangi siyosiy kuch sifatida kirib keldi.

Mavjud ziddiyatlar, qarama-qarshiliklarni birgalikda yengib o'tish, izchil taraqqiyotni ta'minlash zarurati mintaqalar miqosida o'zaro sheriklik, muloqot maydoni va hamkorlik institutlarini shakllantirish hamda takomillashtirishni kun tartibiga qo'yimoqda. Shu ma'noda, turkiy davlatlar — O'zbekiston, Ozarbayjon, Qozog'iston, Qirg'iziston va Turkiya xalqaro munosabatlarning subyekti sifatida o'zaro aloqaga kirishish uchun mintaqaviy tuzilma — Turkiy davlatlar tashkiloti (TDT) tuzishi, unga kuzatuvchi davlatlar va sheriklar paydo bo'lishi obyektiv zarurat edi.

Albatta, a'zo va kuzatuvchi davlatlar o'z manfaatini belgilab olishi va ilgari surishi uchun tuzilma paydo bo'ladi. Bu ma'noda tashkilotning asosiy maqsadi turkiy mamlakatlar o'rtasida do'stlik, yaxshi qo'shnichilikni mustahkamlash, barcha sohada hamkorlik, o'zaro muloqot maydonini yaratish, yo'lga qo'yish va rivojlantirish, Yevrosiyoh hududida va global darajada xavfsizlikni ta'minlash borasidagi sa'y-harakatlarni muvofiqlashtirish, o'zaro ishonchni mustahkamlashga qaratiladi.

O'zaro hamkorlikning yangi bosqichi

Aytilish kerakki, tuzilma, haqiqatan, qisqa vaqtda shakllanib, dastlabki ijobiy natijalarga erishdi. Endi esa yirik o'zgarishlar, loyihalar bo'yicha jiddiy harakat boshlaydigan davr



UNWTO SAMARQANDDA "YASHIL" TURIZM XALQARO MARKAZINI TASHKIL ETISH VA MOLIALASHTIRISHNI REJALASHTIRMOQDA

O'zbekistonning Ispaniyadagi elchisi Jahongir G'aniyev BMT Butunjahon turizm tashkiloti (UNWTO) bosh kotibi Zurab Pololikashvili bilan uchrashdi.

Biz va jahon

Suhbat chog'ida O'zbekiston va UNWTO o'rtasidagi hamkorlikka oid qator masalalar, jumladan, joriy yilning oktabr oyida Samarqand shahrida bo'lib o'tgan tashkilot Bosh assambleyasining 25-sessiyasi yakunlari muhokama qilindi.

Xususan, Zurab Pololikashvili ushbu global tadbirni o'tkazishdagi yuksak tashkiliy ishlar va doimiy qo'llab-quvvatlov uchun O'zbekiston

rahbariyatiga samimiy minnatdorlik bildirdi. U Prezident Shavkat Mirziyoyev tomonidan 25-sessiyaning ochilish marosimida bildirilgan taklif va tashabbuslar UNWTOning keyingi faoliyati uchun o'ziga xos "Yo'l xaritasi"ga aylanishini alohida ta'kidladi. "Yashil" turizmni rivojlantirish taklifi jahon turizmi rivojida yangi bosqich sifatida e'tiborga loyiq", dedi Zurab Pololikashvili.

UNWTO bosh kotibining aytishicha, kotibiyat hozirda "yashil" turizmni baholash mezonlarini joriy etish metodologiyasi loyihasini ishlab chiqimoqda. Bu "yashil" turizm bo'yicha xalqaro dasturning asosiga aylanadi. Shu munosabat bilan u Samarqandda ochiladigan "Ipaq yo'lida turizm" tematik ofisi negizida UNWTO tomonidan moliyalashtiriladigan "yashil" turizm xalqaro markazini tashkil etish taklifini bildirdi.

Zurab Pololikashvili Prezident Shavkat Mirziyoyev bilan Samarqandda bo'lib o'tgan uchrashuvda Buxoro shahri

va Buxoro viloyatida turizmni rivojlantirish masalalari muhokama qilinganini ham ta'kidladi. Shu munosabat bilan u viloyatning turizm salohiyatini kengaytirishga qaratilgan loyihalarni amalga oshirish uchun hududga xorijiy investorlarni jalb etishga tayyorligini ma'lum qildi.

Uchrashuvda O'zbekiston va Butunjahon sayyohlik tashkiloti o'rtasidagi hamkorlikni rivojlantirishga qo'shgan hissiysi uchun elchi Jahongir G'aniyevga UNWTO esdalik nishoni topshirildi.

"Dunyo" AA. Madrid

Munosabat

MUSHTARAK MAQSADLAR — FAROVONLIK VA BARQARORLIK KAFOLATI

Mamlakatimizda keyingi yillarda Prezidentimiz rahbarligida keng ko'lami islohotlar jadal amalga oshirilmoqda. Xususan, iqtisodiyotni liberallashtirish, xalqimizning turmush darajasi va farovonligini yanada yuksaltirishga alohida e'tibor qaratilayapti.

Bu sa'y-harakatlar natijasida so'nggi olti yilda yalpi ichki mahsulot hajmi bir yarim barobar ko'paydi. 2030-yilga qadar ushbu iqtisodiy ko'rsatkichni yana ikki kararga oshirish maqsad qilingan. Keyingi yillarda yurtimizda bo'layotgan o'zgarishlar bugun xalqaro hamjamiyat tomonidan ham keng e'tirof etilmoqda, qo'llab-quvvatlanmoqda.

Mamlakatimiz ketma-ket nufuzli, istiqbolli tuzilmalar, jumladan,

SHHT, TDT, IHT, MDH davlat rahbarlari yig'ilishlariga mezbonlik qiladigan qulay hududga aylandi. Iqtisodiy hamkorlik tashkiloti ham mamlakatimiz tashqi siyosati uchun muhim ahamiyatga ega bo'lgan ana shunday tuzilmalardan biridir. Mamlakatimiz 1992-yilda ushbu tuzilmaga a'zo bo'lganidan so'ng, O'zbekiston IHTning faol va tashabbuskor mamlakatlaridan biriga aylandi.



Ko'z o'ngimizdagi o'zgarishlar

BUNYODKORLIK SOHASIDA INNOVATSION YONDASHUV

Andijon viloyati mamlakatimizdagi eng aholisi zich, yer maydoni esa kichik hudud hisoblanadi. Bu viloyatda har bir qariq maydon o'chovli, qadri baland ekidan dalolat. Ayni paytda aholini turarjoy bilan ta'minlashda o'ziga xos muammolarni ham yuzaga keltirmoqda. Shu bois ekin maydonlariga zarur yetkazmagan holda foydalanilmay turgan qir-adirlar bag'rida uy-joylar qurishga kirishilgan.

Bugungi kunga kelib, viloyat haqiqiy qurilish maydoniga aylangan. Birgina Andijon tumanida barpo etilayotgan "Yangi Andijon" shahri o'zida 440 ming aholi uchun zamonaviy yashash manzili qad rostlamoqda. O'n yilga mo'ljallangan ushbu loyihaning birinchi bosqichi avj pallada. Davlatimiz rahbari har gal viloyatga tashrifi davomida aholini

uy-joy bilan ta'minlash masalasiga to'xtalar ekan, amalga oshirilayotgan ishlar bilan cheklanib qolmaslik, imkon qadar fuqarolarga yengillik yaratish muhimligini ta'kidlaydi. Mutasaddirlarga zarur ko'rsatmalar berib, ushbu masalada ham inson qadriga e'tiborning amaldagi ifodasini yuzaga chiqarishga undaydi.



